

風土志

民 禮 宗 方 歌
生 俗 教 言 謠

景縣新誌

陸集

景縣志卷之六

風土志

民生 禮俗 宗教
方言 歌謠

叙曰從來民風之所趨或十年而一變或百年而一變舊志去今已一百八十餘年其間風俗之變遷人事之遞更必將月異而歲不同疆土之所限或十里不同風或百里不同俗景縣所轄約二百七十里其間土地之肥瘠日用之儉奢必將情殊而事亦異此風土所以有志也但修志舊例多將風土一門附入輿地之內而今特列爲一綱以民生禮俗宗教方言歌謠爲目蓋治國之道先富後教故先民生而後禮俗禮之不能化者賴宗教以範圍故又

次之以宗教復藉方言歌謠以覘風俗之厚薄亦卽改良社會轉移人心責無旁貸之意也志風土

民生

分來源 衣食住行 五項

(一)來源

景縣無名山大川則森林礦產漁業既無所憑藉又無名鎮大商埠則工商亦難期其發達闔景皆平原曠野則所恃者惟農業而已而我景之農民又皆墨守成規不知改良進化以致豐歉盡仰給於雨澤而於鑿井灌溉之利皆棄而不講雖安分守己不興願外之思儉樸勤勞傳爲治家之道而終年辛苦除耕九餘三而外別無備旱潦之方爲可惜也自民

成立火車輪船交通便利出外謀生者日見其多雖此種來源不可必恃而近數年來頗得其利就城內一郵局而論每年進款不下十餘萬元倘更能提倡鑿井以利灌溉提倡工商以廣招徠既能濬其源復能節其流則全縣之富庶不難致也

(二)衣

本縣俗尚儉樸服被亦然邇來風氣稍稍變矣就近五十年之比較言之當年普通一般農民一年四季男子穿粗布短衣腰間束帶黎明卽起背一筐或拾柴或拾糞從無游手好閑之人雖遇年節會親友男女老幼亦絕無穿紬絲者卽洋

布衣亦不多見富貴之家平常衣洋布衣過節過年繭紬長袍寧綢馬褂卽很爲闊綽不逾四十歲不穿皮襖農家更無論矣至於吉凶慶弔雖不尙華美而應時之衣服亦頗講究今日則不然農家之老人或不改其常度而少年子弟皆穿長衣務尙華美穿粗布衣者甚少婦女之妝飾亦漸趨奢侈間有富貴暴發之家縐紗綢緞任意穿戴年未弱冠冬日必穿皮衣甚至小兒亦有穿綢絲者

(三)食

當日一般農民豐收之年大概皆食小米棒子早晚稀飯或粥午飯窩頭鹹菜麥秋後食麪月餘亦因僱工而設或因粗

粗糧短少非家人之常食也倘若年景不好皆食棒子麪紅
白高糧麵甚而有食糠者肉食更無論矣飲皆凉水非有客
來無飲茶飲酒者富厚之家終日麵食每食必有熟菜一二
樣若肉食不斷飲必以茶者亦不多見小兒亦不許花錢今
日則不然農民之家不論歲之豐歉一日一餐皆食小米窩
頭鹹菜而外午飯必有熟菜或雜以葷腥飲必以茶一村中
之茶館或有兩三處因飲酒者漸多茶館亦兼賣酒小兒買
吃食零用亦所費不貲農夫出而耘田亦必帶涼開水從無
飲生水者富貴之家奢侈之風更日甚一日今昔之比較奚
啻千里不勝爲之三歎焉

(四)住

縣民結草爲屋建築形式今昔無大區別惟現今人口之多增加數倍人多房少頗形擁擠宅子不得不加擴充因此各村之新房甚多當年除大富貴之家有瓦房樓餘皆土房不見磚瓦而今日大概多磚包角瓦扣檐逐漸奢華但甑瓦木料人工較五十年前價漲不啻十倍故多感困難然樓房瓦房尙少卽有亦舊日所存多破碎不堪者惟房內之鋪陳近多踵事增華非復昔日之舊矣

(五)行

景縣當日雖爲南北通行大路而宿站尖站皆不在此故工

商轉運不能十分發達東境有運河船隻往來彼此灌輸開
通民智者尙賴乎此現今汽車路雖未修築而津浦路已成
立多年出外謀生者各村皆不乏人獲利者亦甚多此交通
便利人羣進化之一大證據也惟各村鄉之道路每值大雨
時行後多坎坷不平人民不知修整以致車馬往來屢有顛
覆是一憾事鄉民之習慣富者出行用騾馬駕轎車男子或
有騎馬者其次用牛驢駕篷子車男子則騎驢若貧家之男
女皆徒步而已自民智漸開各機關人員與富家子弟因養
車馬之費浩繁皆買一腳踏車全縣共計不下數百具現仍
增加不已則更便利矣

按以上所記民間生活之程度日高而物價之昂貴亦日增就現在與五十年前比較漲至數倍或十數倍不止茲謹列表於後以備察焉

物價比較表

品類	逐年	價格					備考
		五十年前	四十年前	三十年前	二十年前	十年前	
麥子	每斗	一千二百文	一千三百文	一千七百元	二千七百六十文	七千文	十四千文 以下俱按京錢計算
小米	每斗	一千文	一千一百文	一千五百文	二千五百文	六千五百文	十三千文 斗按十六五計算
棒子	每斗	五百文	六百文	八百文	一千三百文	四千二百文	八千一百文
紅高粱	每斗	四百文	五百五十文	八百文	一千一百文	四千二百文	八千一百文
白高糧	每斗	六百文	七百元	一千一百文	一千八百文	四千五百文	八千三百文

穀草	秬稽	木柴	醋	鹽	饅首	香油	黑豆	綠豆	芝蔴
斤每 七文	斤每 八文	斤每 八文	斤每 三十二文	斤每 四十文	斤每 四十文	斤每 一百六十文	斗每 八百六十文	斗每 九百五十文	斗每 一千四百文
十六文	十二文	一十六文	三十二文	四十六文	四十二文	二百四十文	九百五十文	一千文	一千六百文
二五文	二十文	二十四文	四十文	六十八文	六十八文	四百八十文	一千三百文	一千三百文	二千文
三十六文	三十文	四十八文	六十二文	一百二十文	一百二十文	七百二十文	二千四百文	二千六百文	三千八百文
四十五文	四十文	七十六文	一百六十文	二百六十文	二百六十文	一千文	六千三百文	六千五百文	十二千文
一百文	一百文	一百文	二百四十文	八百四十文	五百八十文	二千二百文	十三千文	十四千文	二十二千文
						秤按十六兩計算			

工價比較表

黍 稷	洋 布	棉 花	紅 薯	酒	青 菜	魚	肉	雞 子
斗 每 六 百 文	尺 每 八 十 文	斤 每 八 十 文	斤 每 四 文	斤 每 九 十 六 文	斤 每 四 文	斤 每 四 十 文	斤 每 一 百 五 十 文	個 每 四 文
一 千 文	八 十 文	八 十 文	六 文	一 百 文	六 文	六 十 文	一 百 五 十 文	六 文
一 千 四 百 文	四 百 文	一 百 二 十 文	十 文	一 百 二 十 文	八 文	八 十 文	一 百 八 十 文	三 十 三
一 千 八 百 文	四 百 文	二 百 文	二 十 文	五 百 文	八 十 文	三 百 文	二 百 文	五 十 文
三 千 文	一 千 文	六 百 文	六 十 文	八 百 文	一 百 文	一 千 文	一 千 文	七 十 文
六 千 文	一 千 六 百 文	一 千 文	六 十 四 文	一 千 六 百 文	一 百 五 十 文	二 千 文	一 千 八 百 文	一 百 文
	按裁衣尺計算							

品類	年					備考
	五十年前格	四十年前格	三十年前格	二十年前格	十年前格	現格
木匠	每二百文	二百文	二百五十文	三百文	二角五分	四角
泥瓦匠	每二百文	二百文	二百五十文	三百文	二角五分	四角
石匠	每二百五十文	一百五十文	二百文	二百五十文	二角	三角五分
油漆匠	每二百文	二百五十文	二百五十文	二百文	三角	四角五分
鐵匠	每二百二十文	一百二十文	二百文	二百五十文	三角	四角
農工	每二百五十文	一百五十文	三百文	一千五百文	二千文	三千文
	在此例	供飲食級麥子不在此例	以上數種皆不供飲食			

嘗讀書云民爲邦本本固邦寧又曰利用厚生卽人民之生活狀況可覘國家之盛衰此古今不易之理也雖然民不易民而俗尙之儉奢物價之漲落來源之多寡

不能不隨時變遷就現在生活之程度與昔時相比較
相差若干與後世相比較又相差若干則人民之貧富
國運之窮通不難知也以上將民生之狀況略陳梗概
以備關心民膜者之考察焉

禮俗

元李繼本序曰在三輔之內衣冠文物之盛比於鄒魯而威

儀猶過焉

舊志

舊志云人皆貴德俗皆淳樸又曰民淳事簡無強暴相陵之

風

舊志

郡志曰詩書爲要領

舊志

本縣學記云文武忠孝代不乏人密邇齊魯淵源洙泗

迎春 舊制立春前一日州官具吉服綵仗鼓樂各村秧歌

齊集迎春於東郊出土牛芒神行一跪三叩禮昇土牛芒
神行香亭鼓樂前導至各署大門內設次安奉土牛向南
芒神位東南向立春日清晨設香燭酒果各官具吉服齊
集次所就位排班行一跪三叩禮興贊擊鼓樂工播鼓各
官執綵仗環立土牛兩旁贊鞭春各官環繞擊土牛三匝
禮畢各退今廢

祈雨 官家祈雨諷宜祀之辰具祝文備牲牢籩豆香案帛
爵爐燈守土大吏率僚屬素服祈禱爲民請命民閒祈雨

擇一日編柳枝爲轎昇關帝像人皆編柳枝爲圈戴在頭上大吹大擂鑼鼓喧天行香各村畢入城至縣署前挂號俟縣官至神前上香行禮畢衆人卽昇關帝像而歸如五日內雨足卽演戲謝神倘仍不雨亦後日報旱災之證據也

救護 遇日月之食縣署前設一供桌僧官道官皆集各按欽天監推定時刻分秒大振金鼓隨地救護民間亦鑼鼓喧天各施救護至日月復原爲止近民智漸開此舉遂廢禮見 舊志云讓以左贊以儀拜以四通以名紙自民國成立無論男女相見皆一鞠躬禮吉凶大禮皆三鞠躬鄉間

仍以跪拜禮爲尙惟因禮服無定制婚喪概從便服

燕饗 以專請爲上客席前有靠桌有看桌桌前有大花如

樹中備牲果糖食銀花金幣外陳生羊封酒務爲腆盛

舊志

婚嫁 舊志云女子將于歸先以奩資衣服器皿送至婿家

謂之鋪牀及吉期婿來親迎三日饌房六日婿來謝婦翁

燕而報之九日搬女謂之一九再九而搬謂之二九匝月

而搬謂之對月沿至今日親迎奠雁之禮已廢富貴之家

間有行之者亦不多見女至婿家拜堂

女子立在右邊男子在左邊
一跪四叩

坐帳合巹男女送親者皆以骨肉至親三日後先拜翁姑

卽詣家廟祖塋展拜四日婿卽來謝謂之回門亦有不回

門四日卽搬女者男女婚嫁之期大概在二十歲前後亦有十五六歲娶妻二十餘歲者貧寒之家亦有三十餘歲娶十五六歲之妻者皆有特別緣故非普通例也

喪葬

初喪懸紙錢一挂於門謂之招魂

按死者之年歲一歲紙一張

俗

亦謂之紙骨突第二日成殮送三孝子兜紙骨突詣土地祠謂死者之魂卽可隨之而來焚車馬轎等親友聚而送之謂之送三親友來弔皆素車白馬亦有倩僧道唸經者然必有餘之家非普通也五七後孝子出謝弔者過七十日謂之盡七以後擇吉安葬家中稍稱富有者禮請點主官一人必齒德爵學問兼優者后土官一人兼祖道官必